

Ո Ր Ո Շ ՈՒ Մ

Վարչական բողոքը մասնակի բավարարելու, Ճանապարհային ոստիկանության վարչական փույժ նշանակելու մասին 13.11.2017թ. թիվ 1707089658 որոշումը բեկանելու, իսկ 13.11.2017թ. թիվ 1707089655 որոշումն անփոփոխ թողնելու մասին

<< 15 >> 01 2018թ. 17-4-22507-17 / 17-4-126

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Աշոտ Մելիք-Քարամյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Դեմիճյան փողոցի 21-րդ շենքի 3-րդ բնակարանի բնակիչ Աշոտ Մելիք-Քարամյանը դիմումով խնդրել է բեկանել ճանապարհային երթևեկության կանոնները խախտելու համար կայացված վարչական փույժ նշանակելու մասին 13.11.2017թ. թիվ 1707089658 և 13.11.2017թ. թիվ 1707089655 որոշումներից մեկը՝ նշելով, որ նույն իրավախախտման համար կայացվել է երկու որոշում:

Դիմումի քննարկման արդյունքում պարզվել է, որ դիմումատուի խնդրանքը ենթակա է բավարարման՝ հետևյալ պատճառաբանությամբ.

Ճանապարհային ոստիկանության 13.11.2017թ. թիվ 1707089658 և 13.11.2017թ. թիվ 1707089655 որոշումների հիմքում դրված տեսանյութերը փաստում են, որ դիմումատուին պարկանող տրանսպորտային միջոցը Երևան քաղաքի Սարյան – Կ.Դեմիճյան փողոցների խաչմերուկների հատվածում կատարում է իրավախախտում և չկան ապացույցներ՝ վարորդի կողմից տրանսպորտային միջոցը վարելու և իրավախախտումը կրկին կատարելու վերաբերյալ:

Նկատի ունենալով, որ նշված վայրում իրավախախտում թույլ տալու համար դիմումատուն Ճանապարհային ոստիկանության 13.11.2017թ. թիվ 1707089655 որոշմամբ արդեն իսկ ենթարկվել է վարչական պատասխանատվության, հաշվի առնելով իրավախախտումը կրկին կատարելու փաստի վերաբերյալ ապացույցների բացակայությունը և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին և 3-րդ կետերով՝

Ո Ր Ո Շ Ե Ց Ի

1. Ճանապարհային ոստիկանության վարչական փույժ նշանակելու մասին 13.11.2017թ. թիվ 1707089658 որոշումը բեկանել և վարչական իրավախախտման վերաբերյալ գործը կարճել:
2. Ճանապարհային ոստիկանության վարչական փույժ նշանակելու մասին 13.11.2017թ. թիվ 1707089655 որոշումը թողնել անփոփոխ, իսկ վարչական բողոքը՝ դրան վերաբերող մասով, առանց բավարարման:
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
4. Սույն որոշման օրինակն ուղարկել Աշոտ Մելիք-Քարամյանին և ԶՊՑԽԱ կենտրոն:



Ե.Կարապետյան